



«Այբ» ավագ դպրոց

---

ԳՐԱԿԱՆՈՒԹՅՈՒՆ

Քննաշրջան՝ 2018 թ., ապրիլ  
Տևողություն՝ 1 ժամ 15 րոպե

«Այբ» ավագ դպրոց

Հավելյալ նյութ՝ *Պատասխանների գրքույկ*

---

### ՈՒՇԱԴԻՐ ԿԱՐԴԱԼ ԱՅՍ ՈՒՂԵՑՈՒՅՑԸ

Անհրաժեշտ է հետևել *Պատասխանների գրքույկի* կազմին գրված ցուցումներին:

Գրել մուգ կապույտ կամ սև գրիչով:

Պետք է պատասխանել **բոլոր** հարցերին:

Քննության վերջում բոլոր թղթերը հավաքել և հանձնել մեկ տրցակով:

Յուրաքանչյուր հարցի հնարավոր առավելագույն միավորը նշված է հարցի վերջում այց կողմում:

Հարցերի միավորների ընդհանուր քանակը **32** է:

---

Այս փաստաթուղթը բաղկացած է **4** տպագիր էջից:

## Պատասխաններ

### Նար-Դոս «Ես և Նա»

1. 

**ա.** Հակադրության միջոցով հեղինակը կապում է իրար մարդկանց պատմություններ, որոնք չէին կարող ամենաբնական ունենալ միմյանց հետ առաջին հայացքից: Բայց Նար-Դոսը ցույց է տալիս, որ մարդկային զգացումները նման են աշխարհի տարբեր անկյուններում ու տարբեր ժամանակներում: Մենք կարծես կարդում ենք նույն պատմությունը՝ երկու տարբեր վերաբերմունքով: Անձնական, սիրային պատմությունների՝ միմյանց կողք դրվելու, համեմատության ու հակադրության միջոցով հեղինակը խոսում է դասակարգային ու սոցիալական անհավասարության մասին:
  - բ.** Ըստ հեղինակային ես-ի մեկնաբանության՝ այդ երկու սիրավեպերի հիմնական տարբերությունն այն է, որ իտալացի կերպարը՝ «Նա»-ն, չընկճվեց դժբախտ սիրուց, ընդհակառակը՝ որպես մարտահրավեր ընդունեց դա, որովհետև իր միջավայրն էր իրեն այդպես դաստիարակել: Նա, լինելով աշխատավոր դասակարգից, սովոր էր կյանքում հանդիպելու ու հաղթահարելու բազմապիսի խոչընդոտներ: Իսկ «Ես»-ը, ի տարբերություն «Նա»-ի, լինելով բուրժուական միջավայրի ծնունդ, սովոր էր հեշտ ու ամանց դժվարությունների կյանքին, ինչի պատճառով էլ շատ արագ ընկճվեց առաջին իսկ դժվարությունից ու չկարողացավ պայքարել:
  - գ.** Ազատ պատասխան:
2. 

**ա.** «Նա» պատմվածքը մի երաժշտի մասին է, ով իր կամքի ուժով, համառ ջանքերի շնորհիվ թափառական ու աղքատ երաժշտից վերածվում է հռչակավոր ջութակահարի, ում մասին խոսում է ողջ Վենեցիան: Եվ այդ ամենին Նա հասնում է՝ վրեժից մղված: Անտոնիոն՝ թափառական երաժիշտը, սիրահարվել էր Վենեցիայի ազնվական ընտանիքներից մեկի դստերը՝ Ջուլիետային, և ամեն օր սերենադներ էր նվագում նրա պատշգամբի տակ: Սակայն մի օր աղջիկը երկտող գցեց պատշգամբից, որտեղ գրված էր. «Հայրս ասաց, որ իմ և քո միջև անանց անդունդ կա: Մենք վերեն ենք, դու՛ ներքևը: Էլ մի՛ գա: Մոռացի՛ր ինձ»: Ահա այս երկտողից հետո վիրավորված Անտոնիոն որոշում է վրեժ լուծել նրանցից, ովքեր տարբերություն են դնում վերևի ու ներքևի միջև: Եվ դառնալով հռչակավոր երաժիշտ՝ Նա, ըստ Եության, լուծում է իր վիրավորված արժանապատվության վրեժը:
  - բ.** Ազատ պատասխան:
  - գ.** Ազատ պատասխան:
3. Նար-Դոսը գրական անուն է, որ առաջացել է Նարդոս ծաղկի անունից՝ բաժանված երկու մասի: Գրողի իսկական անուն-ազգանունը Միքայել Տեր-Հովհաննիսյան է:

## Հովհաննես Թումանյանի «Սասունցի Դավիթ» պոեմը

1. Ավետիք հսահակյան, Եղիշե Չարենց:  
(Կան այլ պատասխաններ ևս:)
2. Դյուցազներգությունը ժողովրդական ստեղծագործություն է, որի հերոսներն օժտված են գերբնական ուժով: Այն պատմական ու առասպելական իրողությունների համադրություն է ու սովորաբար ստեղծվում է տվյալ ժողովրդի կյանքում պատմական հիշարժան իրադարձությունների կապակցությամբ:  
Դյուցազներգությունը հայտնի է նաև Էպոս, հերոսավեպ, դյուցազնավեպ, ժողովրդական վեպ, ասք, վիպասք, վիպերգ, վիպասանություն բնորոշումներով:
3. Ասորական դյուցազներգությունը՝ «Գիլգամեշ»  
Ֆրանսիական դյուցազներգությունը՝ «Ռուլանդի երգը»  
(Կան այլ պատասխաններ ևս:)
4. կապվեց լեզուն – փոխաբերություն  
վարդ արջիկներ – մակդիր
5. Ըստ այս հատվածի՝ ակնհայտ է, որ Օհանը անհամարձակ է: Նա, առանց նույնիսկ հակառակվելու որևէ փորձի, միանգամից համաձայնում է Կոզբադու պայմաններին: Օհանը նա է, ով գործում է՝ ելնելով իրավիճակից. համարում է, որ Մսրըը չափազանց ուժեղ է և անհնար է նրա դեմ պայքարելը, ուստի իր միակ լուծումը հզորի թելադրած կանոններին ենթարկվելն է: Նա ուզում է խաղաղություն իր ժողովրդի համար, բայց չի հասկանում, որ խաղաղությունը նույնպես պետք է նվաճել, այլ ոչ թե մուրալ: Օհանի և Էպոսի գլխավոր հերոսների (Սանասարի ու Բաղդասարի, Միերի, Դավթի, Փոքր Միերի) տարբերությունն այն է, որ վերջիններս երբեք, ոչ մի պարագայում չեն հանդուրժում Սասունի ու սասունցիների ենթակա կարգավիճակը: Նրանք ամեն գնով փորձում են ձեռք բերել կամ վերականգնել իրենց երկրի ու ժողովրդի ազատությունը:
6. Ազատ պատասխան: